

Gjinastiche ritmiche

A Udin 250 atletis di dut il mont

Il PalaPrexta di Udin, la cjase de ASU – Associazione Sportive Udinese, al da acet di vinars ai 7 fint a domenie ai 9 di Fevrâr aes miôr atletis dal mont pal torneu internazionâl di gjinastiche ritmiche a scuadris, inmaneât de societât blancje e nere. Almancul 250 atletis, plui 25 tecnics di 38 clubs di 16 Paîs si cjataran te sede de associazion pal “International RG Tournament Swirl and Twirl”, che al viodarà in gare 29 categoriis, dividudis par etât dai 8 ai 25 agns e in trê nivei tecnics. Al è l'ultin apontament prime che al tachi il campionât talian di serie A, ai 22 e 23 di Fevrâr. (a.i.)



La atlete di cjase Gaia Mancini

FOTO FABRIZIO CARABELLI